

مجموعہ اخبار التخیل

۱۸ نجی سنہ

۱۵ صفر ۱۳۱۵

جزو، عدد : ۶۴

جنرال فون درغولتس

معلومات درکہ بزدہ نظام عسکری یکجیریلکٹ تاریخ الفاسی اولان ۱۲۴۱ دہ
احداث اولمشدر . (۱)

بوگون یتش ایکی سنہ بہ بالغ اولان بو مدتک ۱۲۵۱ تاریخہ قدر اولان اون
سنہ سنی بو مدتدن بحقر طرح ایتک لازم کلور . چونکہ بزدہ معنای صحیحیہ
عساکر منتظمہ، مولتکک ناک سلطنت سنہ خدمت عسکریہ سنہ تاریخ دخولی اولان
۱۲۵۱ دن باشلار .

سلطان محمود ثانی نیک ترصین بڈیان سلطنت خصوصندہ ہر درلو مو انہی اقحامدہ کی
عزم جلا دتکارانہ سنی ہیج بر فرد انکار ایدہ مز . فقط ، صلابتہ مشید بولان بو عزم
ایجابات زمانہ موافق تدابیری اتخاذ ایچون مقتضی اولان وقوف ایلہ . موشع دگلدی .
بیوک پترو بر نوع یکجیریلک دیمک اولان (ایستریچ) عسکرینی احما ایتمدن
اول اورویاہ سیاحتلہ مملکتندہ اتحادنی تصوّر ایلدیگی احوال مدنیہ و اصول

(۱) یکجیری اوچاگی ۱۲۴۱ سنہ سی ذی القعدہ سنک اون برینہ مصادف اولان ۱۸۲۵
سنہ میلادی سی افرنجی حزرانی نیک ۱۷ نجی جمہ ابرتسی گونی الفا ایداش وینہ ارگون صادر
اولان فرمان ہایون ایلہ اتخاذ اولنان عسکرہ (عساکر منصورہ محمدیہ) تسمیہ ایلدیگی
اعلان اولمشدر .

عسکریه‌ی رأی‌العین گورمش و تطبیقاته مدار اوله‌جق و سائطی ادراک و استحضر
ایستدکن صکره ایشه باشلامش ایدی . واقعا موجود اولان بر فنانی قالدیرمدن
اول یرینه قونه‌جق ایولگی اطرافله دوشمک اقتضا ایدر . چونکه ناقص بر ایجاد
کهنه بر آلت قدرده فائده‌بخش اوله‌مز . خصوصا اسکیه طرفدار اولانار دائما
بهانه‌جوی اعتراض اوله‌جق‌لرندن ، یگیده گورپله‌جک جرؤی بر نقیصه اسکینک معایینی
عفو ایستیرمگه و کهنه پسندلک فکریخی تشیدیه سبب اولور .

یکچیریلرک الغاسیله برابر یرینه قائم اولان نظام عسکریخی ، بحق نظام عسکری
اوله‌رق تنظیم ایچون الده هیچ بر آلت یوق ایدی . اوروپانک اوتاریخده‌کی اصول
و نظامات عسکریه‌سی تمامیه یلتمیوردی . یلتمش اولسه بیله آنی تطبیق ایده‌جک
آلات و وسائط مفقود ایدی . بو جهته‌له درحال یازیلان افرادک تعلیمی ایچون
سلیم ثالث دورنده‌کی نظام جدیدده یوز باشلیق ایتمشلردن ابراهیم آغا ایله عثمان آغا
بیگ‌باشلیق تو جهته و مصرلی بیگ‌باشی داؤد آغا (۱) رتبه‌ حایه‌سیله اوچ طابور تشکیله
مأمور ایتمشله ایدی .

ایشته ۱۲۴۳ اواسطده باشلا یوب ۱۲۴۵ اوائلده عقد ایدیلان ادرنه معاهده‌سیله
نتیجه‌لنن روسیه سفرینه سوق ایستدیگمز عسکر ، بو اوچ بیگ‌باشینک ایکی سنه ظرفنده
یتشدرمش اولدینی افراددن عبارت ایدی .

مرویدرکه عساکر منصوره اون بیگ نفره بالغ اولوبده منتظم بر عسکر شکلی
آلمی اوزرینه باب سرعسکری میداننده بر جمعه‌گونی اجرا ایدیلان مانورده
قصر هایوندن تماشا ایدن سلطان محمود ، عسکرده‌کی انتظام حرکتی و ضابطلری
طرفندن و یریلان امری ، ایدیلان قومانده‌ینی حسن تلقی ایله ابراز ایستکاری سرعت
و مهارتی گورنجه نشوؤ مجسم کسملشله‌در . حتی دیرلرکه روسیه سفرینک باعث
مستقلی بوتاماشا اولمشدر .

(۱) بوداؤد آغا مورده مأمور بولان عساکر جهاده مصریه بیگ‌باشیلرندن اوله‌رق مسافره
درسعادتده مصر قبو کخدا سنک قوناغده اقامت اتدیکده بولتمش و وقمندن بش‌گون اول
(اشکینچی) نامیه‌له تفنکه تعلیم اتمگه ارضا ایداش اولان یکچیریلر ایچون معلم تعیین
اولتمش ایدی .

ذاتاً ملت مسلحه اولان افراد عثمانیه ايسه فوق الغايه بر شوق وهوسله سلك
عسكرى يه استدعاى دخالت ايدوردى . يگچير بلكك عصر لرجه قلوب ناسيده
كوكلشمش بولنان محبتى زائل اوله رق، يرينه بو عسكر ك نظامه اولان رعايت ومطاوعتلىرى
القائى مهابت ايتمگه باشلامش ايدى . حتى اوائل احداثده عسكره دخول تمنيسيله
هرگون اون بش ياشندن آشانغى بر چوق اطفال مرهقه مراجعت ايلر و ووليرندن
اذناملر ابراز ايدرلر ايدى (۱) بوشوق تازه ايسه ذات شاهانه ك عزم عاليه تانه سنى
بر قاچ قات تشيد ايتمكده ايدى .

اورته ده يگچير يلر كى جهل و تعصبه ممزوج بر فرقۀ باغيه و او فرقينى دائماً
آلت منفعت اوله رق استعمال ايدن يگچيرى قودامانلرى كى متنفذان موجود ايكن
اوروپادن معلم جاي نه قدر خطرناك و بو مخاطريه اهميت وير ميونده ياكز مقصدك
استحاله حصر اهميت ايتك نه رتبه سزاوار تقدير ايسه اويله بر مانعه عظمائناك
اورته دن قالدني بر زمانده حصول مقصدك الك جدى و الك لزوملى واسطه سى اولان
تعليمى جلبناك و تعليمات و نظامات عسكريه ك اولجه تدارك و ترجمه ايتديرلمسناك
دوشونلامسى او رتبه غريبدر .

روسيله لولرله مصالحه دن سكره آستريا خارجيه ناظرى مشهور مترنخك صرف
ايتديكى غيرت وساطتكارانه ثمره سى اوله رق ايمپراطور برنجى نيقولاييله سلطان
محمود آره سنده بر تواد حاصل اولمش ايدى . بو سييله پتەرسبورغه اعزام اولنان
سفير خليل پاشا رفاقتيله او تاريخده فسلى آلانى قائم مقامى بولنان نامق بك (نامق
پاشا مرحوم) روسيه دولتنك نظامات و ترتيبات عسكريه سنجه استحصال معلومات ايتك
اوزره پتەرسبورغ سفارتى آتسه ميديترى تعيين ايدلمشدر . نامق بك مفعول اولدينى
درايت وحيت ثمره سى اوله رق مأمور اولدينى خصوصده ، بك چوق خدمتاره
موفق اولمشدر .

(۱) بوجوقلر كسر شوق موجب اولماق ايچون قبول اولنش ايسه ده عسكره براهيق
سنده اولاملرندن طولاني اسكى عجمى اوغلانلرى قشله سى مكتب حاليه تحويل اوله رق اورايه
وبرلش و اوقوبوب يازملىله برابر تعليم و اذمانلرينه دخى چالشمشدر كه مؤخرأ كشاد اولنان
مكتب حرييه ده دخى بو مكتب مقدمه تأسيس اولمشدر .

استانبوله عودتده ذات شاهانه به تقدیم ایستدگی لایحه مفصله اوزرینه عهدده سنه خاصه اردوی هایونی اوچنجی آلائی میر آلائی توجیه اولمش و کندوسی مستقلاً تطبیقاته ترخیص بیورلمشدر. بناء علیه بو آلائی حساباتی، و ژورناللرینی ترتیب و تنظیم ایستدگی صررده افراددن مستعد اولانلره البسه و آیاق قابی دیکمک اصولنی تحصیل ایستدیرمش و آز وقت ظرفنده آلائیک صندوقده البسه و قوندره اعمالی ثمره سی اوله رقی ۱۵۰۰ کیسه. یعنی ۷۵۰۰ لیرا تراکم ایلمش و بو سرمایه ایله الیوم موجود اولان بکقوز دباغخانه سنی و قلورمخانه دینلان قوندره خاننی و متعاقباً کلخانه ده خیاطیه قشله سنی و برده سراجخانه تأسیس و کشاد ایلمشدر. بو تأسیسات روسیه جه اوزمانلر موجود اولان مؤسسادن و بناء علیه تمات عسکریده دن ایدی. چونکه روسیه ده دخی عینیه بزم کبی بو ایشلره یرایه جق ارباب صنایع مفقود ایدی. نامق بک پتہر سبورغدن عودتده (پتہر و) نامنده برده تعلیمی ایستالیان کشورمش ایدی.

بو سنور پتہر و ناپولیون بوناپارت ایله مسقوه سفرنده بولنده رقی فرانسرلرک معلوم اولان هزیمتی اوزرینه اورالرده قالمش و ذاتاً فرانسر اردوسنه دخی یشانه طریقیله التحاق ایتمش اولدیغندن اون اون بش سنه روسیه ده سرسریانه امرار عمر ایلمش بر آدم ایدی. بوناپارت اردوسنده طوبخچیلق ایتمش اولسی ایسه مأمور اولدیغنی خدمت ایچون لیاقت کافیه ایدی. بناء علیه (سیویل) اوله رقی تقسیم قشله سی طوبخچی معلملگنه مأمور ایدلدی.

ینه بو صررده یعنی ۱۲۴۸ ده مصر مسئله سی حادث اولسی اوزرینه مؤخرأ فراری لقبی آلمش اولان فوزی احمد پاشا سفارت فوق العاده ایله پتہر سبورغه اعزام اولندیغندن، خاصه اردوسنه منسوب ارباب استعداددن بر قاج گنج ضابط کوتورمش و امپراطورک مساعدده سیله روسیه آلایلرینه یرلشدیرتمشدر. بونلردن بری واک ممری مؤخرأ ضبطیه آلائی بکلگنه تحویل مأموریت ایتمش اولان ساقرلی قائم مقام رستم بک مرحوم ایدی که، سواریلکده کی مهارتی روسیه امپراطوری نیقولایه بیله تقدیر ایستدیرمش ایدی. ایشته بو ذاتلر استانبوله عودتلرنده معلم صفتیه متصل بلوکلر، طابورلر، آلایلر تشکیل ایدرلر ایدی.

کوناٹ برنده ماصلق جوارنده برکنج اوروپالینک مدققانه اوتیه برویه سوق
انظار ایتمکده اولدیفنی، اورالزک محافظه سنه مأمور اولان قره قول نفرینک نظر دقتنی
جلب ایتمکله، کنج آدم قره قول ضابطی طرفندن دعوت و استجواب اولمش ایدی.
یانسده کی تر جان و سلاطیله کندوسنک براندنبورغلی (۱) بر ضابط اولدیفنی
و وارنده دن کله رک بر قاچ گون صکره مملکته کیده جگنی بیلدیرر. کندوسنه ضابط
طرفندن اکرام واحترام اولنقله برابر، تبدیل قیافت ایتمش بر ضابط اولیشی
بعض شهره یول آجیدیفنی ایچون بر ژورنال تنظیمله وقعه آمرینه عرض اولدور.
و کندوسی ده برینه رفیق ایله اقامت ایستیکمی محله گوندربلور.

ایرتسی کونی بوکنج ضابط حضور هایونه جیقازیلهرق حاضر بولندیریلان
نامق پاشا ایله فرانمزجه استجواب ایدلمسی اوزرینه پروسیا ارکان حربیه سنک
طوبوغرافیا قمقنه منسوب و سلسره و وازنه طرفلرنده ۴۲ محاربه سی اوزرینه فن
حربه علند بعض تبعات اجراسنه مأمور اولهرق مملکته عودت ایچون در سعاده
کلمش اولدیفنی و ماصلق جهتلرنده کزیمشی دخی پای تحتک اسباب مدافعه سی
تأمین ایده جک نقاطی تتبع فکرندن نشأت ایلدیگنی و بوکی تبعات هر دلو مناسبات
همجواریدن آزاده بولنان حکومت متبوعه سنجه هیچ بر سو نیته مستند اولیوب محضا
وقوعه کلمش بر حربک علل و اسباب غالبیت و مغلوبیتنی تدقیق ایله فن حرب
تحصیل ایدنلره درس اولهرق تفهیم ایدلمسی مقصدندن عبارت بولندیفنی سر بستانه
افاده ایدر.

کتم صفت و مقصده گتمکسزین و یردیگی جوابلردن و ۴۲ محاربه سننده کی
مغلوبیتمز عصر حاضر عسکر لکنجه اولان نقایص مزدن ایلرو گلدیگی حقننده کی
ایضاحتندن هم صاحب ناموس و هم ده صاحب لیاقت بر ضابط اولدیفنی ادراک
بیوران ذات شاهانه کندوسی مظهر تلطیفات ایتمکله برابر سلطنت سنیه خدمته دخولنی
واردوی هایونک اوروپا اصولنجه تنسیقنه خدمت ایتمسی تسکلیف بیورملری اوزرینه،
بو آرزوی هایونک دولت متبوعه سنه اشعاری حالنده اعطای رخصت مأمول
(۱) اوتاریخده پروسیایلر بوراچه براندنبورغلی دیه معروف ایدی.

بولندیغنی وَاو حالد فرط مسرتله خدمت سلطنت سنییه شتابان اوله جغنی جواباً عرض ایدر . نهایت طرف هایون شاهانه دن پروسیا قرالی اوجنجی فرهدریق ویلهلمدن بو ضابط ایله آنک انتخاب ایده جگی دیگر ضابطانک تنسیقات عساکر عثمانیه ایچون اردوی هایونده استخداملرینه مساعده ایدلمسی التماس اولغفله، دولتی طرفندن آرزوی هایون وجهله مأموریتنه مساعده اولنور .

ایشته بو ذات آلمانیا ایمپراطورلغی دعایغنی احضار ایدن پرنس بسمارقک قلعه قلیچیله معاونت ایش اولان فلد مارشال مولتکه درکه اوتاریخده ملازم اول رتبه سنده ایکن دولت عثمانیه خدمت عسکریه سنه مأموریتی اوزرینه عهد سنه دولتی طرفندن یوز باشلیق توجیه اولغش و ۱۲۵۱ سنه سی تشرین اولنده سینگه ، مولباخ ، فیشر اسمنده ۳ نفر ملازمی مستحجاباً در سعاده عودت ایشدر .



بوگونکی گونده عسکر دینلان مطاوعت مشخصه ایله فن حرب دینلان نظریات و تطبیقات ایچون ایکی ملت و بوا یکی ملت ایچنده شوا یکی خصلته موجد و یامؤسس عد اوله بیله جک ایکی بیوک عسکر گوستریله بیلورکه ، بونلرده آلمانلرله فرانسلر و بیوک فرهدریق ایله ناپولون بوناپارتر .

فرهدریقه کلنجیه قدر عسکر دینلان افراد مسلحه محتاج اولدیغی انتظامی حاصل ایدمه ماش ایدی . شمدیکی عسکر لگک ، یعنی بوگون عسکر لک دینلجه نگاه . ادراک اوکنده تجلی ایدن هیئت منتظمه نک بر درجه یه قدر موجدی عثمانیلر اایسه ده ، اثر ایجادلری بر گونه فن وقاعده یه مبتنی اولمهدرق ، یالکز زمانلری اعتباریله و عسکر لگک اقوام مجاورده کی حالت نسبته منتظم اولمقدن عبارت ایدی . چونکه او زمانلر اوروپالیرجه اک بیوک قوت اهل صلیب فرقه لری واک مکمل عسکر شوالیرلر ایدی .

بزده ایسه او زمانلر علوفه لی، یعنی موظف عسکر بولنور ایدی . بونلر اصول و نظامه تابع و او زمانک قواعد حربیه سنه گوره منتظم و معلم و بناء علیه عموم اوروپا اردولرینه مرجع ایدی . بوندن طولاییدرکه مؤخر آ اوروپالیرجه شایان تقلید

عد اوله رق الك اول آوستريا دولته موقع تطبيقه قولش و نهايت بيوك فرهدريق،
مقطور اولدينى درايست سايه سنده انتظامك هر درلو كثرته غالب كله بيله جگنى ادراك
ايله اردوسنى تاسيق واكله موفق اولمش و بناء عليه خصائص انتظامكارانه ايله
تسلح ايتديكى افرادى، تاسيس ايلديكى مكتب حربيه سنده فنون راسخه ايله
توشع ايلش در.

فن حرب ايسه بالطبع تعليم و تعلم ايله مكلف اولان بر هيئتك قابليت و درجه.
رسوخه كوره طورى دكشديره چكندن، مثلا روسيه و آوستريا و فرانسه به نسبت
ايديلنجه يونانك بزه اولان نسبتى مرتبه سنده بولنان اوزمانكى پروسيا، بو اوج
دولتك هيچ برينه ميدان او قومقدن چكمنز ايدى. چونكه كثرتك انتظامه غلبه سى
قاعده نك شاده مغلوبى قبيلندن اولدينى ايچون عسكرينك كثرته مغرور اولوبده
الجاى زمانى خاطره بيله كتورمك استميان همسايه لرينه قارشو كنديسى عسكرينك
معنى و ماده تنظيمه مشغول اولوردى. بناء عليه ناپوليون بوناپارتك ظهورينه قدر
پروسياده كى عسكرلك بو صورت منتظمه ده گيتدكه ترقى ايتديكى گي - كندوسنه
نسبه بر اوج خلقدن عبارت اولان - پروسيالردن كوردكلى سيله تاديدن
متنبه اولان آوستريا دخى پروسيا اصولنى قبوله مجبوريت گورمشد.

نهايت بيوك فرهدريق وفات ايتدى. فقط براقدىنى عسكر ايله اصول عسكر.
يه سى دكشمكدن ماعدا الجاآت عصره يي پيش ملاحظه دن آرميه جق مرتبه لرده مالك
فطانت اولان رجال حربيه سى دائما وسائل تفوقك استكماله ساعى ايديلر. بناء عليه
اطرافده كى بيوك كوچك دولتلرك هيچ برندن احتراز ايدم جك برسبب يوق ايدى.
ايشته عسكرلگيك اوروپاچه دور ترقيسى اولان او عصرده ايدى كه، برترك
مورخينك «جهره الحرب» عنوانيله بحق توصيف ايلديكى ناپوليون بوناپارت، ملازم.
نانيك رتبه سيله قدمهاده ميدان وغا اوله رق مجبور اولدينى فطانت خارق العاده سيله
اون سنه ظرفنده بو يايه ادناندن امپراطورلغه قدر صعود ايتديكى گي فرانسه
عسكرى دللرده نيجه داستان مفاخره سبب اولان مظفريات و غلباته سوق ايدرك
شرف واقدارچه دنيا نك الك برنجى عسكرى اولق اوزره طانتديرمش ايدى.

بوگونگی گونده ایسه بر اردونك یاخود بر طابورك جهت عملیه سیله جهت نظریه سی و تعبیر آخرله هیأت ماده سیله قوه معنویه سی تشریح اولنه جق اولسه بر فرددریق ایله بر یوناپارت ظاهر اولوز . فرددریق عسکر لگك وجودی یوناپارت ایسه او وجودك روحی در . چونكه روح عسکری اولان فن حربك بوگونگی شكلی صرف ناپولیونك مآثر عرفان واجتهادیدر .



ناپولیونك سقوطندن صكره یورغون دوشمش اولان عسکر ، عسکرلگی اونوده جق قدر استراحت مألوف اولمش ایسه ده پروسیده حال تمامیه معكوس ایدی . او شمال آدماری مفظور اولدقاری اعتدال دمله چالشدیلر . عسکرلگی شمدیکی مرتبه سنه ایصال ایلدیلر .

ایشته یوز باشی مولنكه بویه بر ملت مسلحه ده یتشمش ضابط اولقله کندوسندن اردوی هایونجه پك بیوك استفاده لر مأمول ایدی . رفاقیته كلمش اولان اوج ضابط دخی سواری و پیاده صنفلرینك تعلیمات و تنسیقاتی اجرایه مأمور ایدی . نامق پاشا ایسه اولجده یوان هایون تر جانلغندن خدمت عسکریه تحویل مسلكله اصطلاحات فنون عسکریدنی تركجه نقل ایتمش



مولنكه نك سلطنت سنیه خدمت عسکریه سنه مأمور اولدینی زمانده کی تصویر می مهندسخانه مکتبلرنده طوپیچلیق فناری علوم هندسیه ایله برابر تعلیم و تدریس اولنهرق الله اوزمانجه ایسه یرار کتابلر موجود بولتمش ایدی . یعنی فنون حربیه نك جهت نظریه سنجه پك آرز نواقص اوله رق . جهت عملیه سی ديك اولان تنظیمات و تنسیقاتیه و عسكرك ادمان و تعلیمیه اوغراشوردی .

بو صروده پروسیا دولتی طوبیجی مفتش عمومی صفتی حاز اولان (برنس اوغوست دوبروس) که اوچنجی فرهدریق ویلهلمک برادریدر ، روسیه ایمراطوری نیقولهنک قریم حوالیسنده اجرا ایستردیگی سواری مانورهلرنده بولمق اوزره روسیه دعوت اولمش اولمقله . مانورهلرک ختامندن صکره اودهسا طریقله استانبوله کلهرک سلطان محمود ثانیک حضورینه قبول بیورلمش و انسای ملاقاتده ذاتاً نشانجیلقدده مشهور آفاق اولان عثمانی طوبیجیلرینک پروسیا اصولی اوزره تعلیمی مناسب اوله جغنی اخطار ایتمکله طرف شاهانه دن کوستریلان آرزو اوزرینه مشارالیه برنس اوغوست بالذات انتخاب ایدهجگی مستعد ضابطاندن برقاج معلم کوندرمگی وعد ایلمش ایدی . بناءً علیه برینه عودتنده ذات شاهانه یه اولان بو وعدنی حکایه ایله اقتضا ایدن معلری انتخاب واعزام ایتمکلیکنه قرال فرهدریقک مساعدده سی رجا اتمش و اوچنجی فرهدریق ویلهلم ایسه روسیه دولته منجذب و آنک همجواری اولان عثمانیلرله مصافقتدن مجتنب اولدینی جهتله برنسک بو وعدینه جانی صیقلقله برابر انتخابی رأینه براقشد . آنک اوزرینه یوز باشی (قوچ قوفسکی) رفاقتنده اوله رق (ملازم ونت) ملازم (لولینغ) ملازم (شونهچس فایر) و ملازم (ویزنطال) نام ذاتلری انتخاب واعزام ایلمشدرکه ، استانبوله ناریخ ورودلری ۱۸۳۸ سنه میلادی سنه مصادف ۱۲۵۳ سنه هجریه سنه ددر .

بوضابطلردن لولینغ ایله ونت تقسیم قشله سنه و شونهچس فایر ایله ویزنطال سالییه قشله سنه مأمور اوله رق ، قوچ قوفسکی دخی بو ایکی قشله یه مأمور اولان معلری نظر تفتیشدن کچورمک اوزره مفتش تعیین اولمشدر .

کرك مولتکه ایله رفقاسی و كرك برنس اوغوستك كوندرديكي ذاتلر دولت عثمانیه اردولرینه پروسیا ضابطی صفتیه و مأموریتله کوندرلمشدر .

ایشته او تاریخدن تا قریم وقعه سنه قدر سلطنت سنیه اردولرنجه اجرا ایدیلان تنسیقات واصلاحات و تعلیمات و تنظیمات همان علی العموم بو ذاتلرک همتیه وقوعه گامشدر .

مولتکه اردوی همیونه مأمور اولدینی زمان هر شیدن اول متفین ضابط

یتشدرلمسی لزومنی عرض ایستدگندن، کندوسندن بر سنه مقدّم ماچقهده تأسیس وکشاد ایدلمش اولان مکتب حربیه طابوری (۱) افرادینک اڭ مستعدلرندن درت افندی انتخاب ایدرک تحصیل ایچون ویانه گوندرتمشدر . (۲)

مولتسکه برلین مکتب حربیه سنی اوقدر تقدیر ایتمز ایمش . چونکه بیسوک فره دریق بو مکتبی برعسکر ایچون لازم اولدیغندن زیاده فنون ریاضیه درس لرله طولیدریغندن هنوز او تاریخده فره دریقش پروغرامی بردوام ایمش . فقط ویانه مکتب حربیه سی وبأخصوص ارکان حربیه یه مخصوص اولان قسمی دها زیاده موافق مطلب اولدیغندن اورایی برلینه ترجیح ایلرمش . مشار الیهک مفطور اولدینی سجاای صدق و طویتک بوده بر برهانیدرکه، خدمته مأمور اولدینی برملت اجنبیه عینله کندی ملتیه ایفا ایده جگی بولده خالصانه و صداقتکارانه خدمتدن آیرلماشدر . ابرتسی سنه دخی ینه ویانه یه درت بش افندی دهها گوندرتدیگی گبی، برر افندی ده برلین، پارس، ولوندریه گوندرمشدر . مولتسکه نڭ اصل مقصدی اجنبی معلم جلبنه حاجت بر اقامق و افراد عثمانیه یی عثمانلی متفینلرندن تحصیل ایستدیرمک ایدی . فی الحقیقه بر ملتیه کندی ایچندن یتشمش علماسی قدر، ولو فلاطون اولسه، هیچ بر اجنبی معلم مفید اوله من. وشبهه یوقدرکه نه قدر شفیق اولسه بر فرزند ایچون اوکی والده، والده حقیقه یرینی طوته من .

یوز باشی مولتسکه مأمور اولدینی تنسیقاته علی التوالی درت سنه صرف غیرت ایتمکله خدمات واقعه سنی ذات هایون شاهانه یه بگنذریمش اولدیغندن ، پروسیا اردوسندن فک رابطه ایله دولت عثمانیه اردوسننه گیرمگه موافقت ایلش ایدی . حتی ارکان حربیه وظیفه سنی ایفا ایچون مأموراً قونیه حوالیسندنه بولنان اردوی (۱) ابتداکی تشکیلنده مکتب حربیه شاگردانی طلبه نامه بدل طابور اعتبار ایدلمش ایدی .

(۲) ملازم چریانی غبدی افندی که مؤخرأ سردار اکرم اولان عبدی پاشا مرحومدر . ملازم ابراهیم افندی که فریق ایکن وفات ایدن رسام ماهر ابراهیم پاشادر . قرهجه احمدی چاوش احمد بک درکه سوریه وقعه سنده شامده احرار شهادت ایدن مشیر احمد پاشادر . فوزی احمد پاشا کوله لرندن ساقزلی دیگر رستم افندی درکه استحکام فریق ایکن وفات ایدن رستم پاشادر .

هایونده عزیمت ایلش ایسهده نزیب بوزغونانی اوزرینه هان استانبوله گمش وفقط سلطان محمودك فقدان ابدیسنه اطلاع ایله دلخون اولمقله خدمت عثمانیهی ترك ایدرك برلینه عودت ایتمشدر .

سلطان محمود ثانك اواخر سلطنتلرینه تصادف ایدن او وقعه، اردو مشیری بولنان چركس حافظ پاشانك حرکات عسکریهیی ارکان حربیه ضابطانك راپورتنه بدل، اردوده بولندیردینی منجمك زایجه احکامنه توفیق ایدیشدن ایلرو گمش ایدی. بوزباشی مولشك ایسه ایکی کون اول تنظیم ایتدیگی راپورط ووجبنجه اردوی هایونی حرکت ایتدیرمك استدیگی حالده، حافظ پاشانك منجمی طرفدن (طالعك نحوستی) حقنده بسط ایدیلان احکام، راپورطی حکمسز برافش ایدی. نه فائده که ابراهیم پاشا اردوسی نحوست فلکیهیی معتقدلرینك شئامت افکارینه حواله ایله طالع حربی مولشكك تخمین ایتدیگی وقتده استقباله شتابان اولمش وبنه، علیه راپورط حکمبنجه برگون اول حرکتی حالده اردوی هایونك طوتمقلنی مقرر اولان موقعی کندوسی احراز ایله آلمان ضابطانك بزم ایچون تأمین ایلدیگی شاهد موفقیتی بوصورته زماننده دراغوش ایلشدر .

سلطان مشار الیه حیاتده بولنش اولسه ایدی احتمال که مولشکینی صالیورمدکدن بشقه، جبرمافات ایتسی ایچون اردوی هایونی مستقلاً دست کفایتنه تسلیم ایلردی. سلطان عبدالجیدك عهد سلطنتنده ایسه رشید پاشا فرانسه ایله استلاف بولتیقهسنی التزام ایلدیگندن، فرانسهدن گرك عسکری گرك سیویل معلمر جلب ایلدیگه و مکتب حربیهده فرانسهجه درس لر آچلمغه وویانه، برلینه بدل پارسه شاگرد کوندردیگه باشلانمش ایدی . بو غریب بولتیقه تالونی فیلدك زمانندن اوچنخی نابولیونك سقوطنه قدر دو ام ایتمشدر . چونکه، اوچنخی نابولیون زماننده هر برده اولدینی کبی بوراده دخی فرانسه زاردولرینك انتظام و مکملتی بر اعتقاد عمومی حالتی بولمش ایدی. قریم، ایتالیا، چین، و مکسیقا سفرلری مظفریاتی فرانسه زاردولرینه تأمین ایتمش اولدینی کبی، امرای عسکریمزك اکثریسی فرانسه مکاتب عسکریمسندن یتشمش وحتی بر آرمق (مکتب عثمانی) نامیله پارسده برده اعدادیمسی بر مکتب آچیلهرق فرانسه

مکاتب عسکریه سینه عثمانی شاگردی پیشدیرمگه مأمور اولمش و فرانسه دن بشقه برده فنون عسکریه ، فرانسزلردن بشقه مللده عسکرلک آرامق دکل، اویله بر فکرده بولمق بیله معیادتن و بیایغی قائللری ایچون دلائل حق و بلاهتدن عد اولنه کلمش ایدی . بوسبیلله سلطان محمود ثانی دورندن قلمش پروسسیالی ضابطلر اعتباردن ساقط اولمش و بیایغی وجودلریله عدملری مساوی بر حالده بولمخشدیر .

واقعا باشده چریانی عبدی پاشا اولمق اوزره ویانه و برلینده تحصیل ایتمش بر خیلی امراض موجود اولمغله برابر ، فرانسه ده تحصیل ایلدیلرله و تحصیل ایتدکلری حالده دخی فرانسز طرفدارلری ایدنلره نسبتله اقلیتده قالدقلری جهتله آلمانیا انتظامات عسکریه سنک رجحاتی ادعا شوپله طورسون قاله بیله آله مزلردی . بزم ملاحظه مخصوصه مزه قالدورسه بوخصوصده الک بیوک تأثیری لسانه حمل ایتک لازم کلور . انسان عهد طفولیت و شبابنده هانگی لسانده تحصیل فنون ایتمش و هانگی لسانه انتساب پیدا ایتمش ایسه کندوسنی او لسان ایله متکلم اولان قومک عادتاً ولد معنویسی حکمنده طوتار . هرشیثک اوقومده واصل اولدینی مرتبه نی ، مرتبه کمال عد ایدر .

بزده ایسه مکتب حربیه نك الک زیاده اکیلاتنه چالشدینی دورلرده دخی اجنبی لسانی اوله رق یالکیز فرانسزجه قبول ایدلمش ایدی . ایشته بوندن طولاییدرکه ترکیه اوقودقلری فنون حربیه کتابلرندن استغنا حاصل ایدمه یوبده تحصیللرنده احراز کال ایتک استیانلر فن حربیه دائر آزادقلری شیلری فرانسز لساننده بولورلر و آنلردن اوقورلردی . بوده طبیعی او لسانک صاحبی اولان قوم ایچون تولید محبت و طرفداری ایدر . و بو طرفدارلق دخی شکر گذارلق مرتبه سنده قالدیقه هر حالده مدوح اوله بیلور . فقط هر طرفدار اولان نگاه ابتصارنی پرده طرفداری ایله تمامیه ستر ایدوبده اقوام سارمه نك ماهیت عرفان و حقایق علم و اتقانی دخی گورمه یه چک ، ادراک ایدمه یه چک حاله گلماملیدر . اوزمان گرک نفسی و گرک منسوب اولدینی جمعیت ایچون بر جاهل و ناداندن زیاده مضر اولور . چونکه بر جاهلی ازاله نادانسیله انسان ایتک آساندر اما ، اکتساب ایتدیگی عرفانک فوقنده فضل و عرفان اوله میه جفته و بونکده بر فکر طرفداری ایله منسوب و یا منتمی بولندینی قومه مختص اولدیقه

فائل وقولنده مقرر د و مصر اولانلری یوله یاتور مق دشواردر . مگر که زمان بر برهان فعلی ایله عکسفی اثبات اید . ته کیم ۱۸۷۰ محاربه سی ایکی طرفکده ماهیت و حقیقتی میدان قویعش و فرانسر طرفدارلرینه بادی سکوت اولمشدر . بناء علیه ۱۸۷۰ و ۷۱ سفرندن صکره آلمان معارف حربیه سنک ملل سائر و خاصه فرانسه معارف حربیه سنه فائق اولدیغنه مملکت مزجه اطمینان حاصل اوله رق . متوفی بلوم پاشا و اونت نادر پاشا ، اسکندر پاشا ، و اشتر اگر راشد پاشا گبی اردولر مزده ذاتاً مستخدم بولان پروسیالی ضابطانک اهمیت عودت ایشدر .

نهایت ۱۸۷۷ و ۷۸ روسیه محاربه سندن صکره تنسیقات عسکریه مزی عصر حاضرک الجآت حربیه سنه توفیقاً موقع اجرایه قویعفی آرزو و التزام بیوران جناب شوکتآب پادشاهی ، خدمت سلطنت سنییه آلمانیا اردولرندن یکیدن بعض متفن و مقتدر ضابط دعوت ایشلردر که ، آنلرده میر آلائی کهلر ، یوز باشی قامیه فتر ، سواری یوز باشیسی هوبه ، طویچی یوز باشیسی ریستو ، لوازم یوز باشیسی شیلکن نام ذاتلر ایدی . ۱۸۱ بو ذاتلردن متوفی کهلر پاشانک اصلاحات عسکریه مزه دار تنظیم ایله عتبه هایونه تقدیم ایتدیگی لایحه ده بسط اولان تنسیقات حکمنجه ، معارف حربیه مزه متعلق اولان تأسیسات عسکریه نک دخی وجوب اصلاحی توصیه ایدلمش اولدیغندن ، مؤسسات مذکورده نک عموماً تفتیشنه مأمور اولق اوزره پروسیا ارکان حربیه ضابطانی میاننده گرک فنون حربیه و گرک قدرت قلمیه ایله اشهار ایتمش اولان بیکباشی فون درغولتس صورت خصوصیه ده دعوت بیورلمش و بونک اوزرینه پروسیا حربیه نظارتی مشارالیه ایلروده ینه پروسیا اردوسنه داخل اولق استحقاقی محافظه ایتمک اوزره ۱۸۸۳ سنه سی آغستوسنده قائم مقاملق رتبه سی توجیهیله در سعادت عزیمتی ایچون رخصت ویرمشدر .

قائم مقام فون درغولتس استانبوله ورودنده سائر رفقایسی گبی عهده سنه میرلوالق توجیهیله مکاتب عسکریه مفتش عمومیه سی تعیین بیورلمشدر . بو ذات وظیفه سی ایفایه مباشرت ایتدیگی کوندن اعتباراً ترکجه نی ده تحصیله باشلامشدر .

(۱) کهلر پاشا ایله ریستو پاشا وفات ایتدکاری گبی هوبه و شیلکن پاشا دخی مؤخرأ مملکتلرینه عودت ایشلردر .

چونکه مأمور ایدلدیگی خدمتی بحق ایفا، نزدنده بولندیفی ملتک لسانی سلسله متوقف اولدیغنی و بر قومک لسانه بیگانه قالدجه عادات و اخلاقه و خواص معنویه سنه دخی بیگانه قالمق طبیعی اولدیغندن، تحصیل لسانی کندوسنجه هر درلو وظیفه سنک اقدمی عد ایشدر . فی الحقیقه بر بحق سنیه وارمدن فون در غولتس پاشا ترجیحی اوگردیگی گبی مغلطور اولدیغنی ذکاوت و درایت سائقه سیله افاده مرام ایده جک مرتبه لرده نحریرده موفق اولمشدر .

معاون صفیله رفاخته تعیین بیوریان ارکان حربیه قول آغلرندن عبدالله بک ایله پیاده ملازملرندن طاهر افندی ایسه (۱) فون در غولتس پاشانک مأمور ایفاسی اولدیغنی خدمتده ایکی دست یمین و یساری و تعبیر اصحله ماهیت حقیقه سنی گورمک استدیگی خصوصات ایچون دودیده رؤبتمداری حکمنده ایدی .

وظیفه سنی ایفادن اول اصلاحنه مأمور اولدیغنی مکتب عسکریه مزنی تدقیق ایدن فون در غولتس پاشا مکتب حربیه پروغرامنی ۱۸۷۰ محاربه سندن اولکی فرانسز مکتب عسکریه سی پروغرامنک همان عینی برحاله بولمشدر .

مولتک یتیم سنه اولکی برلین مکتب حربیه سنی عادتاً بر علوم ریاضیه مکتبی عد استدیگی جهتله طلبه عسکریه مزدن اورویایه گوندردیگی گنجلری و یانه سوق ایتدیغنی بالاده حکایه ایش ایدک . فون در غولتس پاشاده مکتبک درس جدوللرینی تدقیق ایدنجه حربیه مزنی عادتاً بیوک فرهدریقک زماننده کی طرزده، یعنی علوم ریاضیه یی فون اساسیه سارمیه غلبه حالنده بولمشدر . بو سببله اک اول پروغرامی دگشدرمش و بناء علیه مکتب حربیه ایله ارکان حرب مکتبجی اک صکره قبول واتخاذ اولنش اولان اورویا مکتب عسکریه لری و تخصیص آلمانیا مکتب حربیه سی پروغرامنه توفیقاً ترتیب ایشدر .

فون در غولتسه گنجیه قدر مکتب حربیه ده اجنی لسانی اولدق یالکتر فرانسزجه تحصیل اولور ایدی . مشارالیه فرانسز لسانی ایفا ایله پروغرامه، - ایکسندن بری مجبوری تحصیل اولمق اوزره - آلمان و روس لسانلریخده علاوه ایشدر .

(۱) الیوم معیت سنیه ارکان حربیه فریق بولنان عبدالله پاشا حضرتلریله مکتب حربیه شاهانه تدقیقات ادبیات عسکریه و آلمان لسانی معنی قائمقام طاهر بک افندیدر .

آلمان لسانی بوگون هرکس ایچون فرانسز جهدن مفید بر لسان اولدینی گبی، ضابط اوله جفم دیان بر مکتبلی افندی ایچون هر لساندن مقدمدر . چونکه بوگون عسکر لگت عادتاً آلمانره مخصوص بر صنعت و بوسعتک آلمانیاده کوسه تردیگی ترقی، آثار یله مثبت اولدینی دوشونیلورسه تحصیلده بولان هر عسکر ایچون درجه و جوبی ظاهر اولور .

ثانیاً روس لسانی هر عثمانلی و بتخصیص عموماً ضابطانمز ایچون بر بشقه نقطه نظر دن آلمانجه قدر ، بلکه دهها زیاده لزوملی در . قومشومزک حالتی غزته لردن و مبالغه و یا نقصاندن خالی اولمیان افواه روایتدن ایشیدوب اوکر ننگه بدل کندیمز طوغریدن طوغری یه اوکر نغلی بز . بوده شهسز همسایه مزک لسانسه وقوف ایله میسر اولور .

فون در غولتس پاشا مأمور اولدینی تفتیش مکاتب وظیفه سیله اشتغالک سنه سنده ارکان حربیه ریاست ثانیه سنده بولنان کهلر پاشا وفات ایتمکله او وظیفه دخی پاشایه علاوه مأموریت ایدلمشدر .

کهلر پاشا دخی الک کزیده بر آلمان ضابطی ایدی . فقط فون در غولتسک مفظور اولدینی خصائصک پک چوغندن محروم ایدی . از جمله باشلامش اولدینی تنسیقات بوراجه قابل اجرا اوله میه حق صورتده و تمامیه آلمان اردولری تنسیقاتی ایدی . بو سببله لایحه لری بلاتعدیل قبول اولنه میور و کندوسی ایسه بوتعدیلاندن طولانی منفعل اولیوردی .

فون در غولتس ایسه مفظور اولدینی عرفان و فطانت ایجابی اوله رق بولندینی مملکتک احوال طبعیه سیله خلقک مألوف اولدینی اصول وعاداتی بیاغی ایچنده طوغوب بیومشگی تبیع و تدقیق ایدرک، تطبیق ایتمک استدیگی اصول و تنسیقاتی مملکتک حالی و خلقک الفتی ایله توفیق ایلوردی . کهلر پاشا ایسه بایق استدیگی شیری آلمان آرشونیه اولچیور و مملکتک حالتی تدقیق ایتمکسزین آلمانیا اصول عسکر یه سنی عینی عینه تطبیق ایتمک استیوردی .

بناء علیه تنسیقاتمز اول امرده اخذ عسکر اصولیه باشلادی . بر کره بو اصول قبول اولندقدن صکره دوانک قوه عسکر یه سی تعین ایده جگندن ترتیباتی

آنک ایجاباتنه تطبیق ایتک آسان ایدی . ایشته بو سایده مواقع عسکریه بی تحدید .
موظف و ردیف قطعاتی مرکز لرینی تصحیح و تعدیل ایلدی .

معلومدرکه زمان حاضر سفر لرینده قوتدن زیاده سرعت و شجاعتدن زیاده
مهارت گوزل نتیجه لر حصوله گتوزیر . افراد مزك اسکیدن موجود اولان و فرانسز
اصلونك اسکی بر تطبیقندن عبارت بولنان تقسیمات عسکریه کوره طابور و آلائی
مرکز لرینده طوبالانلری و اورادن لوا . فرقه و قول اردو داره لرینده گنملری . یعنی
صورت عمومیده تجمعات سوق الجیشی ایله سفر برلك تشکیل ایتلری پك چوق
زمانه محتاج ایدی . حال بوکه فون در غولتس بالخاصه اردو مزك اساس و روحی دیمك
اولان ردیف مرکز لرینی فلك ایجاباتنه و زمانك الجا آتیه کوره ترتیب و تصحیح
ایلدی . مشارالیهك شو همتی اردو مزك پك چابوق بر زمانده سلاح باشنه
گلمسچون فوق العاده تأثیر لر کوسترمشدر . اسکیدن ردیف طابور و آلائی مرکز لری
پك قاریشق و پك واسع برر منطقه بی حاز ایدی . شمعی ایسه بو وسعت و عدم
انتظام بر طرف اولمشدر . چونکه فون در غولتس بو انتظامسزلقلری عودت
ایده میه جك صورتده تعدیل و وساطت ایلدیگی کبی ، طابور و آلایلرک تجمعلرینی
تسریع ایچون منطقه لرک وسعت و امتدادینی قصر ایتمشدر .

ایشته بو خدمتک الک کوچک بر ثمره سی شو یونان سفرینده گورلمش و حتی
تجمعات عسکریه مزك اوزون بر وقته محتاج اولمسندن استفاده بی اس حساب ایتمش
اولان دشمته ، ایکی اوج هفته ظرفنده قارشوسنده گوردیگی اردولر سار تخیلاتی
کبی بو تخمینک دخی خطا اولدیغنی ادراک ایتدیرمشدر .

فون در غولتسك سلطنت سنیه اردولرینیه ابراز ایتدیگی خدماتدن بری ده
اردولرده استخدام اولنق اوزره آلمانیا به ضابط گوندرلمسنی دولته توصیه ایدیشی درکه
او سایده عسکر لگك آلمانیا ده کی طور حاضرینی بالفعل و بالفعل ایفا و تطبیق ایتمش
بر خیلی ضابطانز یتشمش و بونلرده سایه حضرت پادشاهیده قدر و مزیتلرینك
درجه سنه کوره نائل مکافاة و اقبال اولمشدر .

فون در غولتس پاشا عثمانلی خدمت عسکریه سی ایفا ایلدیگی ۱۲ سنه ظرفنده
عثمانلی اردوسی نامنه آتیده کی آناری تألیف ایله مکتب حربیه مزه یادکار ایتمشدر :



مشیران سلطنت سنیہ دن
دولتو فون درغواتس پاشا حضرتلری



فرانقفورت آم اودەر فرقه سی قوماندانی
جنرال فون درغواتس

Hommage à J. L. Curria Tenr.
fit Key
Le baron v. d. Goltz
Lt. 9^e commandant de la division.
Frankfort Jodel

مشار اليه ك خط دستي

- ۱ - ارکان حربیہ وظائفی .
- ۲ - عملی ارکان حربیہ وظائفی .
- ۳ - حضری و سفری ضابطان ایچون مخطرہ .
- ۴ - خدمت سفریہ .
- ۵ - تاریخ محاربات قلاع (بیک صحیفہ لک بر تالیف جسم در)
 ثانیاً مکتب حربیہ (تدقیقات ادبیات عسکریہ) نامیلہ بر درس کشاد ایلشدرکہ
 مشارالیک معاونی اولان قائم مقام طاهر بک طرفدن تدریس اولمخده در .
 بو درس، خرفاتک ختامیلہ تاریخک بداء ایستدیک کوندن برو ساحه وقوعاتده
 ظهوره گلان محارباتک اشخاص واحوال و اطوارنی ناطق اولدینی حیثیلہ، صنعتک
 سوابقی سینگله مکلف اولان ضابطان ایچون الک مهم وسائط اطلاعاتدر .
 حاصلی جنرال فون درغولتس جناب شوکتآب پادشاهینک اردوی هایونلرینک
 اکالات و تنسیقاتیچون اعداد بیوردقلری وسائط الک مهمی اوله رق، آلمانیا اردوسی
 ایچون مارشال مولتکه نه ایسه سلطنت سنیه اردوسی ایچون دخی مشیر فون درغولتس
 پاشا حضرتلری اودر . حتی بعض مزیات مخصوصه سی وبأخصوص احتیاجات
 زمانی ادراک نقطه نظرندن مولتکه بیه مرجمدر .
 مشارالیه منسوب اولدینی ملتک ترقیات عسکریه سندن حصه دار اولمق و تعبیر
 آخرله ترقیات عسکریه حقنده کی اجتہادنی وطننده تطبیق ایدہ سینگ ایچون مجبوراً
 بورادہ کی خدمتته ختام ویرمش و فقط قلبی بورادہ ترک ایلہ گتمشدر .
 بناء علیہ حین وداعده اوداسنه دخی سوبلدیکگی وجهله، هر نه زمان سلطنت
 سنیه ناک مظهر دعوتی اولورسه پادشاه عسکر پرور افندمزک خدمت هایونلرینسه
 شتابان اولمغه حاضر در .

ابو الضیاء توقیق

